



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2799/11
Sarajevo, 9.3.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 13-03-2012

Organizaciona jedinica	Klasifikaciona oznaka	Redni broj	Broj
01-	50-1-	15-16/11	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 3. sjednici održanoj 7.3.2012. godine, utvrdilo je Odgovor na zastupničko pitanje koje je postavio Niko Lozančić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2799/11
Sarajevo, 7.3.2012. godine

Niko Lozančić, poslanik Predstavničkog doma Parlamentarne skupštine Bosne i Hercegovine, na 16. sjednici Predstavničkog doma održanoj 22.12.2011. godine, postavio je pitanje:

“Krajem siječnja 2012. u BiH planiran je monitoring sektora peradarstva od strane ekspertne grupe Ureda za hranu i veterinarstvo Evropske komisije. Monitoring se vrši u tvrtkama iz ovog sektora koje predlaže Ured za veterinarstvo BiH na prijedlog entitetskih ministarstava. Prema mojim saznanjima, iz Federacije BiH su predložene određene tvrtke, a među njima i tvrtka ZDI Produkt, vrlo sumnjivog rejtinga, koja je već u ovoj godini dva puta mijenjala naziv iz njima poznatih razloga i vrlo sumnjivih standarda. Ali zato nisu predložene tvrtke kao Perutnina-Ptuj-BH, koje ispunjavaju većinu tih standarda i koje zapošljavaju čak i preko 500-600 radnika i koje daleko, po svim aspektima organizacije odmiču od nekih tvrtki koje su predložene. Ja postavljam pitanje Vijeću ministara i Ministarstvu vanjske trgovine i ekonomskih odnosa BiH:

1. Da li su tačne informacije navedene u uvodu ovog pitanja
2. Koji su kriteriji za odabir tvrtki u kojima će se vršiti monitoring
3. Može li Ministarstvo ili Vijeće ministara spriječiti ovakav način odabira poslovnih subjekata jer je očigledno da je odabir vršen bez bilo kakvih kriterija i da će, ako ovaj odabir ostane do dolaska eksperata Evropske komisije, biti nanosena velika šteta gospodarstvu BiH, a posebice sektoru peradarstva jer će biti stvorena dosta loša slika o tom sektoru, čime će se i onima koji to zaslužuju, onemogućiti izlazak sa svojim proizvodima na evropsko tržište“

Na postavljeno pitanje, Vijeće ministara Bosne i Hercegovine je na 3. sjednici održanoj 7.3. 2012. godine, utvrdilo sljedeći

ODGOVOR

U svrhu posjete inspekcije Ureda za hranu i veterinarstvo Evropske komisije (FVO) od strane nadležnih organa entiteta kandidovani su oni objekti za koje se smatra da ispunjavaju uslove za izvoz u Evropsku uniju, a jedna od njih je bila i kompanija ZDI-Produkt d.o.o. Visoka Glavica, Široki Brijeg, registrovana od strane Federalnog Ministarstva poljoprivrede, vodoprivrede i šumarstva, tako da se podaci o navedenoj kompaniji, kao i ostalim kompanijama koje su registrovane za izvoz nalaze u nadležnosti navedenog ministarstva, odnosno u pogledu objekata kandidovanih u Republici Srpskoj u nadležnosti Ministarstva poljoprivrede, šumarstva i vodoprivrede Republike Srpske.

Ovakav način kandidovanja objekata za izvoz u Evropsku uniju se vrši u skladu s tim da nadležni organi entiteta vrše registraciju objekata, a u narednom periodu je planirano da se u ove aktivnosti uključi i Ured za veterinarstvo Bosne i Hercegovine putem svoga Odjela za inspeksijske poslove.

Prilikom kandidovanja objekata od strane nadležnih entitetskih organa pripremljene su dvije liste objekata, i to jedna sa objektima za koje se smatra da ispunjavaju uslove Evropske unije i druga lista sa potencijalnim izvoznim objektima. Prilikom posjete FVO misije, uloga Ureda za veterinarstvo Bosne i Hercegovine jeste prije svega koordinacija i saradnja sa nadležnim organima entiteta u pogledu kontakta sa FVO inspektorima, organizacije zajedničkih sastanaka, pripremanja materijala potrebnih za FVO inspektore i učešće u pripremnim obilascima kandidovanih objekata i davanje eventualnih prijedloga za unaprjeđenje.

Svrha posjete FVO misije se ne očituje samo kroz obilazak i ocjenjivanje objekata kandidovanih za izvoz, nego također za cilj ima i stvaranje uvida u funkcionisanje kontrolnog sistema po pitanju mesa peradi, proizvoda mesa peradi i konzumnih jaja, odnosno načina na koji organi koji su nadležni za predložene objekte garantuju da proizvodi namijenjeni izvozu u Evropsku uniju iz predloženih objekata ispunjavaju uslove tržišta kojem su namijenjeni, odnosno u ovom slučaju Evropske unije. Samim tim, eventualne preporuke koje svi nadležni organi dobiju od strane FVO inspekcije mogu doprinijeti daljem unaprjeđenju cjelokupnog kontrolnog sistema.